

# Qishloq hayoti

O‘ZBEKISTON RESPUBLIKASI IJTIMOY-IQTISODIY GAZETASI

1974-yil 1-yanvardan chiqqan boshlagan

2022-yil 29-sentabr, payshanba

№ 38 (9202)-son

e-mail: infoqishloqhayoti@mail.ru

@Qishloqhayoti\_gazetasi

## ХАЛҚАРО ҚИШЛОҚ ХЎЖАЛИГИ УНИВЕРСИТЕТИНИНГ ЯНГИ БИНОСИ ФЙДАЛАНИШГА ТОПШИРИЛДИ

Ўзбекистон Республикаси Қишлоқ хўжалиги вазирлиги ташаббуси билан Буюк Британия Қироллик қишлоқ хўжалиги университети (Royal Agriculture University) ҳамкорлигида ташкил этилган Халқаро қишлоқ хўжалиги университети янги биноси очилиш маросими бўлиб ўтди.



Тадбирда қишлоқ хўжалиги вазири маслаҳатчиси Алишер Шукуров, Буюк Британия Қироллик қишлоқ хўжалиги университети проректори, профессор Питер Маккафери, Халқаро қишлоқ хўжалиги университети ректори Мунира Аминовалар сўзга чиқиб, университет фаолияти ҳақида фикр билдирди. Талабаларни янги ўқув йили ва янги бино билан кутлади.

Шундан сўнг, қишлоқ хўжалиги вазири ўринбосари, профессор Алишер Тўраев, Британия кенгашининг Ўзбекистондаги директори Денис Уоддингем, Нидерландия Қишлоқ хўжалиги, табиат ва озиқ-овқат сифати вазирлигининг лойиҳа менежери Йохем Плейсер ва Халқаро қишлоқ хўжалиги университети катта илмий ходими, доктор Нил Равенскрофт талабалар учун тақдирот-маъруза ўтказди.

Халқаро ташкилотлар ва маҳаллий давлат органлари вакиллари, агрокомпаниялар раҳбарлари, қишлоқ хўжалиги соҳаси мутахассислари бинонинг илк меҳмони бўлди.

– Университетимиз тарихидаги бугунгидай муҳим кунда сизларни қарши олишдан мамнунман. Ушбу даргоҳ янги билимлар, дунёни яхши томонга ўзгар-

тира оладиган интилувчан ёшларнинг масканига айланишига ишончим комил, – дейди Халқаро қишлоқ хўжалиги университети ректори Мунира Аминова.

Университетда энг замонавий илм-фанга йўналтирилган турли йўналишлардаги мутахассислик бўйича талабаларга билим берамиз. Ишонамизки, ёшлар олган билимларини келгусида амалиётда қўлай оладилар ва замонамизнинг глобал муаммолари, хусусан, иқлим ўзгариши,

битирувчилари ўқишни тамомлагандан сўнг Британия университети дипломига эга бўладилар.

Университетда агрономия, агроиктисодиёт, агрологистика, биотехнология, ақли қишлоқ хўжалиги, чорвачилик ва озиқ-овқат хавфсизлиги йўналишлари бўйича ўқув дастурлари жорий этилган.

Очилиш маросими доирасида “ВЕК CORP” кластер корхонаси ўртасида ҳамкорлик тўғрисидаги меморандум имзоланди. У ишлаб чиқариш корхонаси ва олийгоҳ билан яқин ҳамкорлиқни йўлга қўйиш, талабаларнинг амалий машғулотлар ўтказиши учун шарт-шароит яратиши имконини тақдим этади.

Янги қишлоқ хўжалиги университети ташкил этишдан кўзланган асосий мақсад Ўзбекистон Республикаси Қишлоқ хўжалигини ривожлантиришнинг 2020-2030 йилларга мўлжалланган стратегиясини амалга ошириш доирасида аграр соҳа учун замонавий талаб ва стандартларга мос юқори малакали кадрлар тайёрлашдан иборат.

Бу борада етакчи хорижий университетлар билан узоқ муддатли алоқаларни ривожлантириш ҳам кўзда тутилган.

**Дилобар МАМАТОВА,**  
ЎЗА мухбири.

1 октябрь – Ўтувчи ва мураббийлар куну

## ТАЪЗИМДАМИЗ, СИЗГА, АЗИЗ УСТОЗЛАР!

Ўқитувчилар меҳнатини қадрлаш ва нуфузини янада ошириш борасида кенг қамровли ишлар амалга оширилмоқда. Бу ишлар натижаси ўлароқ, ўқитувчи ва мураббийлик касби том маънода қадр ва эъзоз топмоқда.

Навоий шаҳридаги 8-сонли информатика ва ахборот технологияларини чуқурлаштириш ўқитувчи фаолиятини тугатиб, фаолиятини Навоий шаҳридаги 8-мактабда бошлаган. Бир муддат, яъни 2008-2009 ўқув йилида шаҳардаги 2-сонли академик лицейда ишлади. Яна жонажон мактабга қайтиб, иш фаолиятини давом эттирди.

– Ёшлигимдан ўқитувчи бўлишни орзу қилганман, – дейди Д.Ҳақимова. – Мактабни тамомлаб педагогика институтига ҳужжат топширишимни айтганимда ота-онам мени қўллаб-қувватлаган. 1993 йилдан буён ўқитувчи бўлиб ишлаб келаман. Бугун ўқувчи қандай билим берилса, эртага унинг натижаси шундай бўлади. Хозирда шогирдларим турли соҳаларда меҳнат қилади. Байрамларда, яхши кунларимда улар менга елкачиқларини олиб беришади. Уларнинг “Устоз”, дея мурожаат қилишлари менга куч бағишлайди. Янада кўпроқ ўқишим, изланишим кераклигини ҳис қиламан, дарсларда янги-янги педагогик услублардан фойдаланган ҳолда ўқувчиларнинг диққатини тортишга ҳаракат қиламан. Ҳар бир янги услуб ўқувчиларнинг билим олишга бўлган иштиёқини оширади.

Тинимсиз ўқиб-ўрганиш, изланишлар ўз самарасини берди. Олий тоифали ўқитувчи Дилором Ҳақимова 2021 йилда “Халқ таълими аълочили” кўкрак нишони билан тақдирланди.

Албатта, халқ таълими ходимларининг меҳнати муносиб рағбатлантирилаётгани, қўллаб-қувватланаётгани ўқитувчиларнинг янада фаол ишлаши, ёш авлоднинг ҳар томонлама баркамол улғайишида муҳим омили бўлмоқда.

Ҳазал мулкининг султони Ҳазрат Навоийнинг эса “Ҳақ йўлида ким сенга бир ҳарф ўқитмиш ранж ила, Айламак бўлмас адо онинг ҳаққин юз ганж ила”, деган мисралари уларнинг меҳнатига берилган муносиб баҳо ҳисобидир.

**Абдували БҮРИЕВ,**  
ЎЗА мухбири.

НАВОЙ ВИЛОЯТИ



## ЙИЛ ЯҚУНИГА ҚАДАР АҲОЛИНИНГ ИЧИМЛИК СУВИ БИЛАН ТАЪМИНЛАНГАНЛИК ДАРАЖАСИ 78,5 ФОИЗГА ЕТКАЗИЛАДИ

“Навоий сув таъминоти” масъулияти чекланган жамияти ҳамда Ўзбекистон Журналистлари уюшмаси Навоий вилояти бўлими ҳамкорлигида вилоят аҳолисини тоза ичимлик суви билан таъминлаш бўйича амалга оширилаётган ишлар юзасидан матбуот анжумани ташкил этилди. Унда МЧЖ директорининг биринчи ўринбосари Одил Ҳалимов журналистларга корхона томонидан жорий йилнинг ўтган саккиз ойи давомида амалга оширилган ишлар тўғрисида ахборот берди.

Таъкидланганидек, “Навоий сув таъминоти” масъулияти чекланган жамияти вилоят аҳолисини асосан 3 та манба ҳисобидан, хусусан, Дамхўжа сув тармоғи, Аму-Бухоро магистрал канали, локал сув тармоқлари орқали тоза ичимлик суви билан таъминлайди. Вилоятда жами 209 та ичимлик суви олиш иншооти ва 3 640,3 км. ичимлик суви қувурлари мавжуд бўлиб, улар орқали аҳолига белгиланган тартибда ичимлик суви етказиб берилмоқда.

(Давоми 2-саҳифада)

## ХОДИМНИ ИШГА ҚАБУЛ ҚИЛИШДАГИ ДАСТЛАБКИ СИНОВ МУДДАТИ

ИККИ ТОМОН УЧУН ҲАМ МАНФААТЛИ МУДДАТДИР

Ҳар бир корхона-ташкilotнинг муваффақияти беvosита унинг ходимларига боғлиқ. Юксак салоҳиятли кадрлар шўбасиз, тараққиётга ундовчи ва даромад келтирувчи асосий куч ҳисобланади.



Шу маънода ҳар бир иш берувчи ишга қабул қилиш жараёнида юқори малакали, интизомли, интеллектуал салоҳияти юксак кадрларни танлаб олишни хоҳлайди. Ўзининг ушбу ҳуқуқидан иш берувчи турли усулларда фойдаланиши мумкин. Ўзбекистон Республикаси меҳнат қонунчилигига асосан муайян муддат давомида ходимни касб, вазифа ёки лавозимда синаб кўриш орқали унинг вазифаларни бажариши, лавозимга лойиқ ёки нолайиқлиги аниқланади. Дастлабки синов шартли – меҳнат шартномаси ходим малакасини аниқлаш мақсадида, қолаверса, унинг талабларига корхонадаги меҳнат ва бошқа ижтимоий иқтисодий шароитлар, маънавий ахлоқий муҳит мослигини аниқлаш мақсадида тузилади. Юридик тилда айтганда, дастлабки синовдан ўтиш орқали ишга қабул қилиш меҳнат шартномасининг қўшимча шартли ҳисобланади. Шу сабабли ушбу шарт фақат икки тараф рози

бўлгандагина қўлланилиши меҳнат ҳуқуқининг энг нозик жиҳатидир. Албатта, дастлабки синов шартли орқали иш берувчи томонидан рад этилиши ёки аксинча, шахс томонидан ҳам ишга кириш рад этилиши мумкин. Демак, бу меҳнат ҳуқуқи икки томонни ҳам бирдек қаноатлантиришига замин ҳозирлайди.

Ишга қабул қилишда истисно ҳолатлар ҳам мавжуд. Шундай шахслар тоифалари борки, қонун бундай фуқароларга синов муддатини белгиланиши тақиқлаб қўйган. Булар жумласига ҳомилдор аёллар, уч ёшга тўлмаган боласи бор аёллар, корхона учун белгиланган минимал иш жойлари ҳисобидан ишга юборилган шахслар, ўрта махсус, касб-хунар таълими муассасаларининг ҳамда олий ўқув юрталарининг тегишли таълим муассасини тамомлаган кундан эътиборан уч йил ичида биринчи бор ишга киратган битирувчилар шулар жумласидандир.

(Давоми 2-саҳифада)

## ФАРҒОНА ВОДИЙСИДА 3 КУНЛИК ПРЕСС-ТУР ЎТКАЗИЛДИ

“Фарғона водийсида сув ресурсларини бошқариш. II-босқич” лойиҳаси доирасида ОАВ вакиллари учун 26-28 сентябрь кунлари пресс-тур уюштирилди. Фарғона, Наманган ва Андижон вилоятларида ўтказилган тадбирда Европа Иттифоқи, Жаҳон банки, Ўзбекистон Республикаси Сув хўжалиги вазирлиги вакиллари ҳамда ОАВ ходимлари қатнашди. Дастлаб Фарғонадаги Сирдарё-Сўх ирригация тизимлари ҳавза бошқармасида тадбирнинг очилиш маросими ўтказилиб, унда “Фарғона водийсида сув ресурсларини бошқариш. II-босқич” лойиҳаси ҳақида маълумот берилди.







1 октябрь – Ўқитувчи ва мураббийлар куни муборак бўлсин!



Мамлакатимиз кимё саноатидаги йирик корхоналардан бири



**МАХАМ – ШИРСИҚ**  
акциядорлик жамияти жамоаси

1 октябрь – Ўқитувчи ва мураббийлар куни билан таълим-тарбия соҳасининг барча ходимларини қизғин муборакбод этади. Сиз, азизларга мустаҳкам соғлиқ, бахту саодат, эзгу фаолиятингизда улкан муваффақиятлар, хонадонларингизга файз-у барака тилайди. Ҳамиша соғ-омон бўлинг, муҳтарам устозлар!



Бўлган воқеа

**НОННИНГ УВОЛИ ТУТДИ(МИ)?**

Талабалик кезлари эди. Эндигина мустақилликка эришганмиз. Самарқанднинг нуфузли илм даргоҳларидан бири қадрдон СамДУда сирдан таҳсил оламан.

Қишки сместр бошланиб, яна Самарқандга келдим. Ҳамқишлоқларимни ахтариб топдим. Улар шаҳарнинг бир чеккасида ижарада туришар экан, мени ҳам ёнларга қабул қилишди. Қишлоқдош талабалар билан анча пайтгача гурунглашиб ўтирдик. Вақт ҳам алламаҳал бўлиб қолди. Йўл юриб, роса чарчаган эмасманми, ўринга чўзилишим биланоқ ухлаб қолибман. Каллаи саҳарлаб хондон соҳиби ҳаммани бирварақайига уй-ғота бошлади: туринглар, кечикамиз, тез-тез бўлинглар!



Талабалар уйқуираб ўрнидан арағ кўзғолишарди. Мен бўлсам гап нимадалигидан беҳабар атрофга аланглайман.

– Ҳов, сен, янги келган тез бўл, кийин тезроқ, кеч қоламиз, – деди уй эгаси.

Мен ҳам ҳамма қатори апил-тапил кийиниб, талабалар сафига терилдим. Ижарада мен билан ўн чоғли талаба бор эди. Эшикдан чиқарканмиз, ҳалиги одам қўлимга бир халта ва пул берди. Қарасам, у ҳаммага шундай тақсимляпти.

– Қани, олға, – деди уй эгаси.

Мен ҳам қишлоқдошларим изидан йўлга тушдим. Тўғри шаҳар марказидаги нон дўконига бордик. Нон дўкони ҳали ёпик, олдида туманот одам навбат кутиб турарди. Одамларни кўриб, капалагим учиб кетди. Биз ҳам навбатга тизилдик. Бир пайт дўкон эгаси келиб, эшикни очди. Унинг ке-

тидан нон машинаси ҳам келди. Бўлка нонларни хизматчилар ичкарига таший бошлади. Бир пайт одамлар ичкарига ёпирилишди. Қай кўз билан кўрайки, бўлка нонлар пештахтага ҳам терилмай шундоққина полнинг устига уюб ташланган эди. Одамлар қўлига илинган нонларни олар ва ким сумкасига, ким қолига соларди. Урсур тўполон бошланиб кетди. Кимга битта, кимга иккита, кимгадир эса нон умуман етмай ҳам қолди. Мен ҳам тала-тўпда арағ иккита нон олгандим. Навбатда туриб, ноннинг пулни бериб, дўкондан чиқдик. Мен билан талабаларнинг ҳаммаси ҳам нондан олишган экан. Биргалашиб уйга қайтиб келдик. Жами олганмиз 25 та бўлка нон бўлибди.

– Шунча нонни нима қилади бу киши, сўрайман талабалардан.

– Нима қиларди, молига беради, ана оғилхонада тўртта ҳўкиз боқиб куйибди, – деб қолди шу ерда кўпдан ижарада яшаб келаётган Омонбой. – Уйида турганимиздан кейин шунга мажбуримизда...

Бошимдан совуқ сув куйилгандай бўлди. Водариг! Одамлар нон тополмай, ҳатто макка ун еб, кун кечираётган кунларда оппоққина бўрсилдоқ нонларни молга бериш. Жуда ғалати бўлиб кетдим. Боя магазинда нон етмай қолиб, ҳар кимга бир зорланиб турган момо кўз олдимга келиб кетди. Аттанг, олдинроқ билганимда олган нонларимни момога берган бўлардим.

Хуллас, талабаларнинг айтишича, бу ерда ҳар кун шундай аҳвол экан. Ҳаммамиз нонушта қилиб, ўқишга жўнадик. Мен бу ерда ортиқ қололмасдим. Тушдан сўнг курсдош дўстларимдан ёрдам сўрадим. Улар ёнларидан жой беришди. Кейин кўч-кўронимни олиб, уларнинг ёнига кўчиб ўтдим.

Университетни тамомлаб, ишга кирдим. Ҳамқишлоғим Омонбой ҳам мендан уч йил кейин ўқишни тугатиб, кишлоққа келди. Бир йиғинда ўша талабалик йилларини эсладик. Мен гап орасида ўша уй эгасини суриштирдим. Омонбой бўлса унинг фожиаи ўлими ҳақида гапириб берди: “Бир кунни ўқишдан келсам, ҳўкизи бўшалиб кетиб, уни ўласи қилиб сузиб ташлабди. Бечора бақирган-бақирган, уйда ҳеч ким йўқлиги боис, қутурган ҳўкиз ўз ишини қилиб юраверган. Мен келсам, ҳамма жойи қон. Ҳўкиз ҳамон ҳовлида шаталок отиб юрарди. Бир амаллаб ҳўкизни ем бериб тутиб, боғладим. Ва унга ёрдамга ошиқдим. У беҳуш ётарди. Тез ёрдамга кўнгирак қилдим. Касалхонада жон берди бечора. Мен шундан сўнг у ердан бошқа жойга кўчиб ўтдим”.

Болтабой МУҲАММАД ҚУРБОН



Ҳаётингиз қувончли лаҳзаларга бой бўлсин, муҳтарам устозлар!



**“ЎЗСУҚУРИЛИШ” АЖ ТИЗИМИДАГИ “УРГАНЧМАХСУССУВПУДРАТ”**

масъулияти чекланган жамияти жамоаси

устозларни, маърифат жонқуярларини касб байрамлари муносабати билан чин қалбдан табриқлайди ва барча эзгу тилақларини изҳор этади. Машаққатли меҳнатларингиз маҳсули – шогирларингиз камолини кўриш, ютуқларидан фахрланиш Сиз, азизларга насиб этсин! Ҳамиша шогирларингиз ҳурмат-иззатида, эл эъзозиди бўлинг, АЗИЗ УСТОЗЛАР!



Ўзбекистон Республикаси Транспорт вазирлиги ҳузуридаги Автомобиль йўллари қўмитаси таркибидаги

**“ТОШКЕНТ ВИЛОЯТИ ЙЎЛЛАРДАН МУНТАЗАМ ФЙДАЛАНИШ” КОРХОНАСИ ЖАМОАСИ**



умумхалқ байрами – Ўқитувчи ва мураббийлар куни билан барча устоз, мураббийларни самимий қўтлайди ва баркамол авлодни тарбиялаб, илм беришдек заҳматли меҳнатларида улкан зафарлар тилайди.

